


Alkitab Buat Bocah

Nampilin

Daud si Bocah Angon



Nyeng nulis: Edward Hughes

Nyeng bikin gambar: Lazarus
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.


Zaman dulu, zaman pemerentahan Raja Saul di Israel, ada bocah laki-laki nyeng namanya Daud ngebantuin ketujuh orang abangnya buat ngejaga piaraan bapanya. Meski dia masih muda banget, Daud itu kuat, dan laki-laki pembrani nyeng sayang ama

percaya sama Tuhan. Dia
tinggal di
kota Betlehem.



Sekali waktu ada singa nyeng nyerang gerombolan domba itu nyoba negrep anak domba buat dimakan.

Daud muda ngelawan si singa penyerang. Narik domba itu, dia tangkep binatang buas itu di janggutnya dan dibunuh. Daud tau kalo Allah nulungin dia.



3

Samuel, nabi Tuhan, masih ngerasa sedih karena Saul gagal nurutin Tuhan. "Berapa lama kamu bakalan besedih buat Saul?" Tuhan marah sama Samuel. "Aku ngirim kamu ke rumah Isai"...Aku udah nyiapin seorang raja dari anak-anaknya.




4

(Isai bapanya Daud). Meski Samuel tau kalo Raja Saul bisa aja bakalan ngebunuh dia karena pegih nemuin raja nyeng laen, nabi itu nurutin Tuhan.



5

Pas Samuel sampe, Isai nyuruh tujuh orang anaknya buat liwat di depan Samuel. Dan Samuel bilang sama Isai, "Tuhan kaga milih mereka semua." Cuman tinggal Daud, si bontot. Dia ada di kebon ama domba-dombanya. Mereka ngebawa Daud masuk, dan Tuhan bilang, "Bangun, berkatin dia, ini dia orangnya."



6

Di istana Saul Roh Tuhan pegih ninggalin Saul, dan dia jadi orang nyeng bener-bener bermasalah. Pembantu-pembantunya pikir bisa jadi musik nyeng bagus bakalan bikin tenang pikiran Saul. Salah satu dari mereka kenal seorang anak muda nyeng bisa maenin kecapi dengan mahir. Bisa kaga kamu nerka-nerka siapa anak muda itu. Iya bener, dia itu Daud.




7

Musik Daud nenangin Saul dan nulungin dia buat bisa mikir dengan bener. Saul minta Isai buat ngebiarin Daud netep dan ngelayanin sang Raja. Saban kali Saul ngedapetin serangan nyeng nakutin, Daud maenin kecapi buatnya. Itu rada ngebantu.




8

Seudahnya Daud balik lagi ke rumah, Saul perang gede-gede ngelawan orang-orang Filistin. Abang-abangnya Daud perang ama tentara Saul. Isai ngirim Daud ke medan laga buat ngirimin makanan bagi abang-abangnya dan tau pegimana keberadaan mereke di sono.



9

Seorang raksasa Filistin nyeng gede banget, Goliat ngebikin semua tentara Israel ketakutan.



10


"Pilih seorang dari kamu, biarin ia turun ngadepin aku!" Goliat tereak. "Kalo dia bisa perang ngelawan aku sama ngebunuh aku, lantas kai bakalan jadi budakmu. Tapi kalo aja aku bisa ngebunuh dia, lantas kalian kudu jadi budak kami dan ngelayanin kami." Semua orang Israel, pas ngeliat si raksasa, pada



ngibrit ngejauhin dia dan pada takut banget.

11

Lantas Daud bilang sama Saul, "Jangan ada seorang juga nyeng langsung nyerah sama dia; hambamu ini bakalan pegih ngelawan orang Filistin itu." Saul pengen Daud pake baju besi dan ngebawa pedang. Tapi daud ngambil slepetannya dan milih lima biji batu nyeng klimis dari kali.



12

Goliat ketawa ngakak pas dia ngeliat Daud muda kaga pake baju besi. "Aku bakalan ngasih dagingmu sama burung-burung di udara dan sama binatang-binatang di padang!" dia ngegerem. "Aku ngadepin kamu atas nama Tuhan!" saut Daud. "Ari ini juga Tuhan bakalan nyerahin kamu kedalem tanganku ... karena di tangan Tuhan sebenarnya pertempuran ini!"




13

Lantas Daud ngibrit lempeng banget ke Goliat. Sambil dia lari, dia slepet sama batu pake slepetannya - kena pas di jidat Goliat. Goliat ngegubrag!




14

Cepet-cepet Daud nyabut pedang si raksasa Goliat dan motong palanya. Pas orang-orang Filistin ngeliat Goliat mati, mereka semua pada ngebecir nyelametin dirinya.



15


Raja Saul kaga inget kalo morang ini iyu Daud nyeng sama nyeng maenin kecapi buat dia. Dia masukin Daud ke dalem pasukannya, lantas ngerasa sirik pas orang-orang pada ngehargain kemenangan Daud. "Sekarang apalagi nyeng bisa dia punyain selaen cuman kerajaan?" pikir Saul. Jadi Saul ngawasin Daud mulai ari itu.



16

Lagi, lagi Raja Saul pikirannya keganggu. Daud maenin musik lagi dan nyoba buat nenangin dia. Tiga kali Saul ngelemparin tombaknya sama Daud. Tapi Daud bisa ngeles. Saul ngerasa takut sama Daud,

sebab Saul tau Tuhan ada sama Daud, tapi udah ninggalin dia.



17

Tapi Yanathan, anak laki-laki Saul, kesian ama Daud kaya sodara. "Bapaku Saul nyoba ngebunuhmu," dia ngingetin Daud. Jadi daud ngabur. Bininya naro anak-anakan di tempat tidurnya, dan ngebiarin dia keluar dari jendela pas tengah malem. Pas orang-orangnya Saul dateng paginya, Daud udah pegih.



18

Daud kudu pegih jauh dari Saul. Sebelum dia ngelakuin itu, dia ama Yonathan udah bikin perjanjian bareng. Mereka janji bakal saling ngebantu.



19

Rasa sedih, kedua sohib itu pamitan. Daud nyari tempat dimana dia bisa idup dan kaga ada rasa takut kalo-kalo tentara-tentara Saul bakal nemuin dia.



20

Daud si Bocah Angon

Sebuah cerita dari perkataannya Tuhan, Alkitab

Ditemuin di

1 Samuel 16-20


"Palang pintu Firman Engkau ngasih terang."
Mazmur 119:130

21

19

60

22



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

23